

n'ouoit quasi eſperer le Bapteſme. Le Neophyte luy repartit? Ce n'eſt pas le defaut de ta memoire qui t'empêchera de iouïr de ce bonheur; au commencement i'eſtois dans le meſme erreur, mais i'ay recognu par apres que quand on prioit Dieu, il donnoit de l'eſprit, & qu'il aydoit à ſçauoir ce qui eſt neceſſaire pour eſtre baptisé: on me dit auſſi qu'il n'eſtoit pas beſoin que ie ſçeuffe tât de choſes, mais que i'euffe vne bonne volonté, & vne grâde affection de bien obeïr à Dieu, & ne le point offeſer, Ce n'eſt pas le defaut d'eſprit que i'apprehende en toy, mais la reſolution de feruir Dieu toute ta vie, & de iamais ne quitter ma fille pour en eſpouſer vn autre; regarde ſi tu as aſſez de conſtâce pour ce poinct. Ce pauvre ieune homme feigna du nez, comme on dit, il ne pût iamais ſe refoudre à ſe ietter dâs le lien d'vn mariage indiffoluble. Or remarquez que ce n'eſt point le Neophyte qui nous a raconté de ce procedé, c'eſt le ieune hōme meſme, lequel a tâché depuis de renouïer ceſte affaire, mais il n'en a encor pû venir à bout. O que les mariages des Sauuages no⁹ donneront de peine! C'eſt aſſez parlé du [73] pere, difons deux mots de ſes enfans. Cét homme de bien en auoit pluſieurs, il luy en eſtoit reſté quatre; Dieu a pris pour ſoy ceſte année les deux plus ieunes, ſi bien qu'il n'a plus qu'vn fils âgé de vingt à vingt deux ans, & vne fille, dont nous venons de parler, aagée d'environ dix-huict ans. Ce ieune homme eſtant mōté aux trois Riuieres cét hyuer dernier, pour aller à la guerre contre leur ennemis, s'en alla tout droit loger chez nos Peres, fans que perſonne luy eut donné ce confeil; Il leur dit, que ſ'il ſe retiroit dans les cabanes des Sauuages, il ſe mettoit en danger d'offeſer Dieu,